

# LAPORAN PROGRAM MICROSOFT TEAMS DAN STRATEGI PENGGUNAAN TEAMS UNTUK PENGAJARAN DAN PEMBELAJARAN

**FATIN ALIYAH HASSAN, DR TUAN SARIFAH AINI SYED AHMAD, NUR HAKIMAH MD SALLEHUDDIN & NUR AMIRAH NABIHAH ZAINAL ABIDIN**



AKADEMI PENGAJIAN BAHASA, UiTM KAMPUS SEREMBAN

Aktiviti pengajaran dan pembelajaran di Institut Pengajian Tinggi secara amnya telah dijalankan secara dalam talian akibat daripada penularan wabak coronavirus yang tular pada tahun 2020. Universiti Teknologi MARA (UiTM) juga tidak terkecuali, di mana sistem pendidikan yang dahulunya bersemuka digantikan dengan aktiviti pengajaran dan pembelajaran secara dalam talian.

Sebagai satu usaha bagi memastikan pelajar tidak ketinggalan dalam mengikuti aktiviti pembelajaran, para pensyarah telah menambah baik cara pengajaran yang digunakan di dalam kelas. Para pensyarah juga sentiasa menambah baik proses pengajaran yang dijalankan serta sentiasa mencari resolusi terbaik bagi memastikan proses pengajaran dan pembelajaran untuk semua pelajar dapat diteruskan.



Oleh yang demikian, pada 1 April 2022 yang lalu, pihak Akademi Pengajian Bahasa Kampus Seremban telah menganjurkan program webinar bertajuk "Microsoft Teams dan Strategi Penggunaan Teams untuk Pengajaran dan Pembelajaran". Program ini dijalankan atas inisiatif pihak APB UiTM CNS Kampus Seremban dalam usaha meningkatkan pengetahuan, kemahiran dan kualiti kerja warga APB khususnya dalam memperkasa strategi pengajaran dan pembelajaran Bahasa.



Selain itu, penganjur program ini juga diharap dapat membantu UiTM CNS dalam memperkasa sumber manusia sedia ada dengan pengetahuan, latihan dan kemahiran yang bersesuaian bagi meningkatkan produktiviti dan kualiti kerja warga UiTM terutamanya dalam bidang pengajaran dan pembelajaran.

Program ini dijalankan menggunakan aplikasi Microsoft Teams sebagai platform utama. Ini membolehkan para pensyarah yang menyertai program ini dapat menyesuaikan diri serta dalam masa yang sama memberi pendedahan kepada penggunaan aplikasi Microsoft Teams.

Selain itu, penganjuran program ini juga diharap dapat membantu UiTMCNS dalam memperkasa sumber manusia sedia ada dengan pengetahuan, latihan dan kemahiran yang bersesuaian bagi meningkatkan produktiviti dan kualiti kerja warga UiTM terutamanya dalam bidang pengajaran dan pembelajaran.

Program ini dijalankan menggunakan aplikasi Microsoft Teams sebagai platform utama. Ini membolehkan para pensyarah yang menyertai program ini dapat menyesuaikan diri serta dalam masa yang sama memberi pendedahan kepada penggunaan aplikasi Microsoft Teams.

Secara keseluruhannya, program ini berjaya menepati objektif yang ingin dicapai iaitu:

1. Meningkatkan kemahiran penggunaan Microsoft Teams kepada para pensyarah bagi tujuan pengajaran dan pembelajaran secara dalam talian.
2. Meningkatkan pengetahuan dan kemahiran ICT para pensyarah.



Program ini juga mendapat sokongan yang amat baik daripada warga Akademi Pengajian Bahasa dengan kehadiran peserta yang memuaskan. Semoga usaha murni dalam meningkatkan dan menambah baik pengetahuan dan kemahiran ICT para pensyarah akan diteruskan.